

TE HŌHEURAA API

I neia i te piha neneiraa na te Ekalesia a Iesu Mesia i te Feia
Mo'a i te Mau Mahana Hopea Nei i Papeete, Tahiti.
i te mau fenua Sotaiete i te mau ava'e atoa.
Te hoo e piti farane i te matahiti hoê.

Nu. 11.

Novema 1931.

Mat. 25.

Ta Pare Paraita Faufaa Tei Fafauhia Ia'na

O teie ia te iva o te hoê mau haapiiraa i faaineinehia e te
Epitetopo Rahi, no te mau Diakono; Ua Faaauhia ei reo Tahiti e Etua.

(E maa parau tuatapapa : Ua fanauhia o Pare P.
Paraita i te 12 no Eperera i te M. 1807, i Burlington, Otso-
ga County, New York; ua faatoroahia oia ei Aposetolo i te
21 no Febuare i te M. 1835 i Ketelani, Ohaio, e ua pohe oia
no to'na faaroo i Van Buren, Arkansas, i te 14 no Me i te
M. 1857; e taata mata'u ore oia e ua ite maitai oia i te a'o-
raa i te parau e te papai Buka.)

Ua parahi Pare Paraita e ta'na vahine i te medebara
i Ohaio, e e mea varavara roa te taata i te reira vahi. I mu-
ri a'e i to'na haereraa i taua vahi ra, ua tae Sitine Ritidoni
i reira, te porohaere ra oia i te Evanelia no te faaroo Came-
perite (Campbellite). E au te parau tumu no te reira faa-
roo i te mau paran matamua no te Evanelia i haapiihia e

e Iesu e Ta'na mau Aposetolo. Ua ere ra ratou i te hoê mea, oia hoi te mana ia rave i te mau oro'a no te Evanelia. Ua haamano o Pare Paraita i te reira i to'na faaroora ia Sitine Ritidoni i te a'oraa i ta'na parau. Ua maururu ra oia no te faaroora i te hoê tufaa parau mau, area ra mai te au i ta'na i ite, aore roa te hoê haapaora, i te ao nei, i farii i te mana no ô mai i te Atua ra ia rave i te mau oro'a. Ua faaroo pinepine oia ia Sitine Ritidoni, no reira ua farii oia i te parau mau ta'na i faaroo e ua amu'i atu oia i te hoê haamorira i te Atua i haapaohia no te mau taata atoa.

I to Pare Paraita haapiiraa i te Parau Mo'a e i ta'na pure noa raa i te Atua, ua noaa ia'na te ite i te mau mea e rave rahi tei faahoihia mai, i teie tau hopea nei, no te haapututuraa ia Iseraela e te haere piti raa mai o te Mesia e To'na hanahana te pee mai Ia'na. Ua manao oia e e tia ia'na ia porohaere i te parau mau ta'na i ite.

I te hoê mahana ua tae mai to'na taeae i to'na utua-fare e i to'na parahiraa i reira ua faaite atu o Pare i to'na manao ia'na no te porohaereraa i te Evanelia mai te au i ta'na i ite. Ua parau atura o Viliamu ia'na: "*E mea naha ra to oe ora?*" Ua pahono atura o Pare: "*E faufaa nava'i rahi roa ta'u tei fafauhia mai ia'u no to'u ora e no to'u utuafare atoa.*"

Ua na ô atura Viliamu: "*Oia mau anei, te hinaaro nei au i te hi'o i tau mau faufaa ra, e faufaa tumu mau anei.*"

Ua pahono atura Pare: "*Oia mau e faufaa tei faatumu mau hia, aore e haperaa.*" Ua haere oia i ta'na afata e ua iriti oia i te hoê buka tei i roa i te faufaa tei fafauhia ia'na; ua na ô mai te tai'oraa o teie nei faufaa: "*E te taata atoa no To'u nei i'oa tei faarue i te fare, e te mau taeae e te mau tuahine, e te metua tane, e te metua vahine, e te vahine iho, e te tamarii, e te fenua, e hanere atu ia ta'na e noaa, e e roaa ia te ora mure ore. Ia ati mai outou Ia'u, e ia vai*

*maite ta'u parau i roto ia outou, e ani outou i ta outou i hina-
aro ra, e horoa hia ia ia outou. E tia te mau mea atoa nei i
te taata faaroo."*

Ua parau atu o Pare: "*E Viliamu, e ere anei o te pa-
rau teie a Iesu Mesia."*

Ua pahono maira Viliamu: "*E hoi, e te farii noa nei
au i te faufaa api."*

Ua parau atura Pare ia'na: "*E te manao na oe i teie
e faufaa mau ?"*

Ua pahono maira oia: "*E o to'u ia manao."*

Ua parau ihora o Pare: "*E i to oe manao, e haapao
te taata na'na teie parau ?"*

Ua pahono Viliamu: "*E, e haapao oia."*

Ua parau atura o Pare: "*Na reira; o to'u ia manao,
na m'itihia vau e te Varua Maitai ia faaru'e i te utuafare no
te Evanelia, e e na reira vau, e eita vau e tiaturi i te hoê mea
maori ra i teie parau fafau, e mai te mea e manuia ore to'u
tere e h'uavare teie, e mai te mea e manuia, e parau mau ihoa
ia. E tamata vau i teie parau a te Mesia ia ite au e parau
mau anei."*

Ua parau atura o Viliamu: "*Na reira, a tamata; mai
te mea te reira; o vau ra, ua faaroo vau i te Bibilia, eita vau
e tiaturi i ta'na mau fafaua maori ra e tauturu ta'u i te pae
tino."*

I te ava'e Atete i te M. 1830, ua hoo Pare Paraita i
ta'na mau taoa atoa, e ua haere oia e ta'na vahine i Cevela-
na (Cleveland), Ohaio, e hoê ahuru tara i to'na haerea.
Mai reira haere atura raua i Alabeni (Albany), Niu Yoka,
na nia i te pahi. Ua aufau hia to raua tarahu pahi, e i to
raua taeraa i Rokesera (Rochester) ua faaite Pare i ta'na
vahine e e faaea raua i reira. Aore oia i ite i te tumu, ma-
ori ra te varua i faaite ia'na. Ua ite atoa ta'na vahiue e
ua tae te varua ia'na, no reira ua faatia oia e ua haere roa

ta'na vahine i Alabeni i to'ua mau hoa i reira.

A faaea'i Pare Paraita i teie nei vahi ua faaroo oia i te parau no te hoê buka api tei papaihia i te matamua i nia iho i te hoê mau api auro e te hoê Ati no Iseraela, e ua itehia e ua iritihia e te hoê taata api i te oire Pamela (Palmyra)'Niu Yoka.

[E tuaati hia teie parau]

Te Moe Reo No Te Te Repo Mai

Te Buka A Moromona

Teie te hoê a'oraa i a'ohia e te hoê Aposetolo, o J. E. Talmadge, i Roto Miti,

Te faaroo nei matou e, o te Bibilia ra o te parau ia a te Atua , ia tia te iritiraa; e te faaroo atoa nei hoi matou e, te Buka a Moromona ra o te parau mau ia a te Atua.

I roto i te pene 29 no Isaia, ua tohu ehia na e te Fatu, te mau ati e tae mai i nia iho ia Ierusalema, te oire i parau hia e o Ariela, e te oire i parahihia e Davida. Ua haere atoa ta'na parau i nia i e thoê feia, e ere to Ierusalema, o te roohia atoa i te mau ati mai ia Ariela. No teie nei feia te vai nei te hoê tohuraa rahi no ratou, oia hoi, " E tuu hae-ha hia oe i raro e mai te mea no roto mai te repo ta oe parauraa mai, e riirii mai to oe reo mai raro mai i te repo ra. No raro mai i te fenua to oe repo, mai te reo o te auba ra, e ei raro oe i te repo e mutamuta noa mai ai ia parau.

**Te mau papaa parau no Iuda
e Iosepha. (Ezekiela 37: 15-19)**

Te haapii mai nei teie mau parau papai mai te au i ta tetahi mau parau papai e faaite mai nei. Ia haapii mai-tai tatou i te tuaatiraa i teie na raau e piti, e ra te reira e faaite mai e te vai nei â te parau papai, maori te faufaa tahito, tei papaihia na mua roa'tu i te tau no Iesu, e ua roaa mai te tahi pae o te reira mau parau i teie anotau hopea nei.


A haamanao tatou i te nunaa rahi Iseraela, ua tatufaa hia oia i muri a'e i te poheraa o Solomona, e i reira ua ite tatou i te parau tuatapapa o te Basilea o Iuda e te Basileia o Epheraima; o Epheraima ua tapea ia oia i te i'oa Iseraela i te hoê taima poto. Epheraima te tamaiti ia na Iosepha, e o Iosepha e tamaiti oia na Iakoba.

Ua papu te papaa parau e aore ra te raau a Iuda, o te Basileia tei tuaatihia i te parau o Iosepha, o tei tae mai na roto i te mana o te Atua, no te mea te na o maira te Atua, "Inaha e rave au i te raau a Iosepha, e na roto i te tuaatiraa i teie na raau e piti e riro ia ei hoê i to'na rima", mai te mea ra e riro ei hoê i roto i te rima o Ezekiela.

Ei Toea no Iuda i afaihia ra

Ua fatata roa te hitu o te hanereraa o te matahiti na mua a'e ia Iasu Mesia te ora ra, i Ierusalema, te hoê tasta taoa tei iteahia e te mau taata atoa, o Lehi to'na i'oa; e taata parau tia e e peropheta atoa hoi oia; ei huaai oia no te Ati Manase, no reira e huaai oia no Iosepha. E mau mahana peapea te reira no Iseraela. Ua mo'e te Atua o to ratou mau metua ia ratou e ua tae mai, i nia iho ia ratou, te mau ati ta Mose e te mau Peropheta i tohu mai, ei utu'a no te mau hara ta ratou i rave e ta te mau Peropheta i a'o ia

Te Haapapuraa I Te Buka A Moromona.



E hoho'a teie no te hoê paré tahito i patuhia e te mau Initia tahito no Amerika Apatoa, oia hoi te mau Ati Lamana i to ratou parauraahia i roto i te Buka a Moromona. Na teie mau paturaa, tei itehia i teie mau tau hopea nei, e faaite mai ia tatou e, e mau parau mau ana 'e tei papaihia ; roto i te Buka a Moromona.

atu i te mau taata, eiaha ratou e rave. Te fatata maira te faatitiraa a to Babulonia i reira. E rave rahi te mau Peropheta, e o Lehi te hoê o ratou, tei faaite hua'tu te mau ati e fatata mai ra, mai te pii raa'tu ia ratou ia tatarahapa, e ia ore ratou e na reira, e haamouhia te oire rahi o Davida e, e faatitihia ratou. Aita roa ra te mau taata i faaroo noa'e i te parau a teie mau peropheta.

I te matahiti 600 i mua a'e ia Iesu, a haere ai o Zedekia i nia iho i te terono o Iuda, ua tae mai te parau a te Fatu ia Lehi, mai te faaite raa'tu ia'na ia rave oia i to'na utuafare paatoa e a haere atu ai, mai ia Ierusalema mai, i roto i te medebara Arabia. Ua tohu ê hia na te haapurararaa o Iseraela i mua'tu i te revaraa o Lehi ma, e te hoê utuafare o te Ati Epheraima e te hoê atu â mau taata, i roto atoa i taua haapurararaa ra. Ua tohuhia te reira (Isaia 37:32; Te Mau Arii I 19:31.) Ua tohu atoa hia mai te hoê nunaa taata o tei faarue ia Ieruselema e e faarahihia ratou. (Te Mau Arii II 19:30).

(E tuaatihia teie parau.)

Te Aamu No Te Evanelia O Te Mesia

O teihea te Ekalesia ta Iesu i haapii i Ta'na mau Apisetolo i To'na oraraa i nia i te ao nei ? Teihea te Ekalesia i vai hou teie nei ao, e tei tuuhia mai ia Adamu i te hamani-raahia o teie nei ao, e tei horoahia ia Enoha, Noa, Aberahama, e Mose e tae roa mai ia Iosepha Semita i teie anotau hopea nei, mai te faatupu i te parau i papaihia i roto i te Apokalupo 14: 6-7, tei na o mai e: “ Hi'o atura vau i te hoê

Melahi i te maueraa na ropu i te reva nei, ma te Evanelia e tia i te vairaa ra ei pororaa'tu i te feia e parahi i te ao nei, i te mau fenua atoa, e te mau reo atoa, e te mau nunaa atoa, i te pii hua-raa'tu te reo e, A mata'u i te Atua, e faahanahana'tu ia'na; ua tae hoi i te hora faautu'araa na'na ra, e haamori outou ia'na, i tei hamani i te ra'i, e te fenua, e te tai, e te mau pape pihaa ra." Teihea te Ekalesia tei manahia i te i'oa o te Tamaiti iho o te Atua, maori ra, te Ekalesia a Iesu Mesia i te Feia Mo'a i te Mahana Hopea Nei.

Te Mea Ta Iesu i Rave E Ta'na

Mau Maapiiraa

A hio tatou i te faatiaraa i te Ekalesia, e te haamaraahia te tahi ia rave i te mau ohipa o te Ekalesia, (Mareko 3:14), " Ua faataa'tura oia i tino ahuru ma piti, ei pihai iho ratou ia'na, e ia tono hoi oia ia ratou e poro haere i te basileia." Hou to Iesu haavareraahia e Iuda, ua a'o atu oia i ta'na mau Aposetolo, i te na ôraa e: " O vau te vine mau, e o tau Metua te faaapu - - E ere o outou tei hinaaro mai ia'u; O vau râ tei hinaaro atu ia outou, e ua faatoroa ia outou ia haere outou e ia hotu i te huero, ei huero vaiiho taiata, ia horoa mai te Metua ia outou i ta outou e ani atu ma To'u i'oa ia'na ra."

Ua faatia ra Iesu i te Ekalesia na roto i te maitiraa i te mau Hitu Ahuru. " E muri a'era, ua haapao atura te Fatu i te Hiiu Ahuru, e tatoopiti atura i te tonoraa ia ratou na mua ia'na, i te mau oire e te mau vahi atoa ta'na i opua ra e e haere atoa oia i reira. - - Ua ho'i faahou maira taua hitu ahuru ra ma te oaoa, na ô maira, e te Fatu, ua vi atoa te mau demoni ia matou i to i'oa na." (Luka 10:1, 17)

Ua haapii atura Iesu i te faaroo, mai tei papaihia e te Aposetolo ra o Ioane tei na ô mai: " Eiaha e horuhoru to

outou aau, e faaroo i te Atua, e e faaroo atoa mai ia'u. - -
Na te Faaa'o râ, na te Varua Maitai ra, o ta te Metua e tono
mai ma To'u nei i'oa ra, na'na e haapii mai ia outou i te
mau mea atoa ta'u i parau atu ia outou na. Ia tae mai ra
te Faaa'o no ô mai i te Metua ra na'u e tono mai, o te Va-
rua parau mau no ô mai i te Metua ra' na'na vau e faaite."
(Ioane 14:1, 16; 15:26)

Ua haapii atoa oia i te tatarahpa, na ô atnra oia, " Ua
tae i te tau, te fatata mai nei te basileia o te Atua; a tata-
rahapa, a faaroo mai i te Evanelia nei." (Mareko 1: 15)
Te baptizoraa utuhi e i te mana mau, mai ta Ioane Baptizo
i haapii mai, ua haapii atoa hia e te Fatu. " Ua parau atu-
ra Iesu, Amene, amene, e parau atu vau ia oe, Ia ore te taa-
ta ia fanau i te pape e te Varua, e ore oia e ô i te basileia o
te Atua ra." Maori ra te tamarii rii tei ore nehenehe ia'na
ia hara, no te mea ua na ô mai Iesu, " A tuu mai i te ta-
marii rii ia haere noa mai ia'u nei, mai iâ ratou hoi to te ba-
sileia o te Atua ra." (Mareko 10: 14) Ua na ô atoa mai
Iesu, " O te faaroo e ua baptizohia, e ora ia, area o te ore
e faaroo ra, e faahapahia ia." (Mareko 16: 16)

Nahea e nehenehe ai i te tamarii ia faaroo ?

Ua haamaitai Iesu i ta'na mau Aposetolo, e ua horoa'-
tu oia i te Varua Maitai; " Ia ora na outou. Mai tau Metua
hoi i tono mai ia'u nei ra, e tono atoa hoi au ia outou na.
I na reira maira oia, e ua haapuai maira i te aho i nia ia ra-
tou, e ua parau maira, A farii i te Varua Maitai." (Ioane
20: 21-22)

Te rave nei anei outou i teie mau oro'a, mai ta Iesu i
haapii mai ia tatou ?

[E tuaatihiaa teie nei parau,]

TE MAU PARAU API

TE POHERAA O THOMAS A. EDISON

I te 18 no Atopa nei ua tae mai te parau apî na roto i te radio i te faaiteraa mai e, ua pohe te taata ra o Thomas A. Edison. O oia te taata tei hamani i te mori uira, e e rave rahi atua te mau mea ta'na i hamani no te haamaitairaa i te taata. Ua oto to Marite e to te Ao atoa nei i to'na poheraa, no te mea e taata rahi roa oia e ua herehia oia i te mau vahi atoa e te mau nunaa atoa.

Teie te parau hopea ta'na i parau, hou oia i pohe ai, "A haere outou i mua, eiaha e ho'i i muri, i to'u oraraa ua ite au i te tau ino mai teie te huru, na roto ra i to outou itoito e to outou tiaturi raa i te Atua, e ore teie nei tau ino e e tae mai te tau maitai, e no reira a faaroo outou i te Atua e na'na outou e tauturu i teie nei tau ati."

E manao maitai roa to taua taata ra e ia na reira tatou e tia'i. E vau ahuru ma maha to'na matahiti a pohe ai oia ra.

NO ERENETA ROSSITERA

Ua tae mai te parau apî no to tatou Peresideni tahito o Ereneta, tei faaite mai i to'na huru i to'na parahiraa i te oire Roto Miti.

E mea maitai roa oia e ta'na vahine o Veneta e ta raua tamahine o Betty. Te rave itoito nei ratou i te ohipa i roto i te Ekalesia. Te faaite mai nei ratou i to ratou arohai te mau taeae e te mau tuahine e i to ratou mau hoa i teie pae o te ao nei.

OPUARAA TAMA'I

Ua tae mai, i te 20 no te ava'e Atopa, na roto mai i te radio, te parau api tei faaite mai e, te haaputuputu nei te Hau Tinito i to ratou mau apooraa rahi no te faaotiraa i te parau e, e tama'i i te Hau Tapone, E tapa'o faaite teie e, aita i manuia te mau parauparauraa no te hau i roto i te apooraa tahi no te mau Hau, oia ho'i te Société des Nations.

FEIA VAVAHİ FARE PURERAA

I roto i te mau vea no London, Beritane, no te ava'e Setepa i mairi a'enei, te faaitehia ra e ua vavahi roa hia te hoê fare pureraa rahi roa i Moscou, Russia. Te faaite atoa mai nei taua vea ra e ua vavahihia teie fare pureraa, na te Hau Russia Soviet, ei ravea ia ateatea te fenua no te faatiraa i te hoê fare rahi ta ratou e faatia ei haamanaoraa i te mau ohipa i oti a'enei i roto i na matahiti e pae. Ua ore ihoa te haamoriraa i te Atua i te fenua Russia i teie nei, e na te faatereraa hau Soviet ihoa taua ohipa ra. Ua faatiahia teie fare pureraa, i vavahihiara, e te hoê Emepera no Russia ei haamanaoraa i to Napoléon 1 otoheraa i muri i te maiahiti 1812.

UA FAAUTU'AHIA

I roto i te ava'e Setepa i mairi a'enei, i te oire Boise, Amerika, ua faautu'ahia te hoê taata, o Lee Burnett to'na i'oa ia aufau oia e 250 tara e ia tapeahia oia e hoê ahuru ava'e i roto i te fare tapearaa.

Ua faautu'ahia oia i teie na utu'a no te mea ua patia oia i te tipu te hoê hi'opoa no te ava, aita ra te reira taata i pohé no reira i māmā rii ai ta'na utu'a. Te hopea ihoa tera no te mau feia te faahapa i te mau ture.

E AUEUERA A FENUA

I roto i te ava'e Setepa i mairi a'enei ua tupu faahou te aueueraa fenua i te fenua Tapone. I te oire rahi Tokio, aita ă i itehia te hoê aueueraa puai mai teie, mai te aueueraa fenua i te matahiti 1924.

E rave rahi te mau fare tei parari e ua pohe 12 taata e ua tai'ohia e 40 taata tei pêpê.

I taua mahana ua tupu atoa te reira ati i te fenua Amerika, e ua aueue te fenua i roto i na tufaa fenua e rave rahi e ua tauatini te taata tei horo i rapae i to ratou mau fare no to ratou ri'ari'a, aita ra te taata i pohe i te reira mau vahi no te mea aita i nava'i te puai o te aueueraa no te haaparari i te mau fare.

*E FARE RAHI NO TE MAU URI
E TE MAU MIMI*

Ua patuhia a'enei, i te oire Chicago, Amerika, te hoê fare no te mau ûri e te mau mimi overe. Te vai nei i roto i taua fare ra te mau piha nehenehe e te mau piha hapuraa pape no te mau ûri, e ua pau e 70.000 tara moni marite no te hamahiraa i taua fare ra tei tomohia i te 21 no te ava'e no Setepa i mairi a'enei.

Ahiri te reira moni i haamauahia e tera fare i hamanihia no te tautururaa i te mau taata veve ua hau roa ăa i te maitai.

M, Bonnet M. Gerant

Angle des rues Brea et Dumont d'Urville, Orovini, Papeete.
